

FLORES in oleo coque, donec fere crispentur; tum oleum exprime, et sepone, ut faeces subsidant.

OLEUM VIRIDE.

℞. Foliorum recentium lauri,  
ruta,  
majoranae,  
absinthii maritimi,  
chamæmeli, singulorum  
p. uncias tres,

Olei olivarum m. libras duas.

HERBAE contusæ leniter in oleo coquantur, donec crispæ fiant; deinde exprimatur oleum, et, postquam faeces subsederint, effundatur.

EMPLASTRA.

EMPLASTRUM ex AMMONIACO

cum

MERCURIO.

℞. Gummi ammoniaci colati p. libram unam,  
Argenti vivi p. uncias tres,  
Balsami sulphuris simplicis p. drachmam unam.

ARGENTUM vivum cum balsamo sulphuris tere, donec omnino apparere desinat; deinde adde paulatim ammoniacum liquefactum, paulo antequam refluxerit, et accurate misceantur.

EM.

## EMPLASTRUM ATTRAHENS.

- ℞. Resinæ flavæ,  
Cerae flavæ, singulorum ꝑ. libras tres,  
Sevi ovilli curati ꝑ. libram unam.

LIQUESCANT simul, et, dum massa fluida est, coletur.

## EMPLASTRUM CEPHALICUM.

- ℞. Picis Burgundicæ ꝑ. libras duas,  
Labdani mollis ꝑ. libram unam,  
Resinæ flavæ,  
Cerae flavæ, singulorum ꝑ. uncias quatuor,  
Olei expressi, macis dicti, ꝑ. unciam unam.

Picis, resinæ, et cerae simul liquatis adde primum labdanum, deinde oleum macis.

## EMPLASTRUM COMMUNE.

- ℞. Olei olivarum congium unum,  
Lithargyri subtilissime triti ꝑ. libras quinque.

COQUE leni igne cum aquæ mensura librarum circiter duarum, perpetuo movens, donec oleum et lithargyrus coëant, emplastrique crassitudinem habeant. Oportebit autem aquam recentem, sed prius calefactam, addere, si quæ in principio adhibita fuerit, ante finem coctionis absumatur.

EMPLASTRUM COMMUNE  
adhæsivum.

- ℞. Emplastri communis ꝑ. libras tres,  
Resinæ flavæ ꝑ. libram dimidiam.

EM-

EMPLASTRO communi lenissimo igne liquato, resinam in pulverem redactam, ut cito liquecat, injice, et probe misce.

## ALITER.

OLEO et lithargyro simul coctis addatur resina, paulo antequam emplastri crassitudinem acquirant; deinde continetur coctio, donec emplastrum confectum sit.

## EMPLASTRUM COMMUNE

cum

## GUMMI.

℞. Emplastri communis ꝑ. libras tres,  
Galbani colati ꝑ. uncias octo,  
Terebinthinæ communis,  
Thuris, singulorum ꝑ. uncias tres.

GALBANO leni igne cum terebinthina liquato insperge thus in pulverem redactum; deinde emplastrum commune lenissimo igne liquatum his paulatim immisce.

## ALITER.

Loco emplastri communis confecti adhibeatur oleum cum lithargyro coctum, simul ac primum coëant, necdum in emplastri spissitudinem cocta sint.

## EMPLASTRUM COMMUNE

cum

## MERCURIO.

℞. Emplastri communis ꝑ. libram unam,

Ar-

Argenti vivi ꝑ. uncias tres,  
 Balsami sulphuris simplicis ꝑ. drachmam unam.  
 COMPONENDUM est eodem modo, ac em-  
 plastrum ex ammoniaco cum mercurio.

## EMPLASTRUM e CYMINO.

℞. Picis Burgundicæ ꝑ. libras tres,  
 Cerae flavæ,  
 Seminum cymini,  
 carvi,  
 Baccarum lauri, singulorum ꝑ. uncias tres.  
 PICI cum cera liquefactæ insperge, et bene  
 misce cætera in pulverem trita.

## EMPLASTRUM e MINIO.

℞. Olei olivarum M. libras quatuor,  
 Minii subtilissime triti ꝑ. libras duas cum di-  
 midia.  
 PARANDUM est eodem modo, quo emplastrum  
 commune; sed plus aquæ requiritur, & majori  
 cautione opus est, ne adustione nigrescat.

## EMPLASTRUM e MUCILAGINIBUS.

℞. Cerae flavæ ꝑ. uncias quadraginta,  
 Olei mucilaginum M. uncias octo,  
 Gummi ammoniaci colati ꝑ. libram dimidiam,  
 Terebinthinæ communis ꝑ. uncias duas.  
 GUMMI ammoniaco cum terebinthina li-  
 quato oleum cum cera in alio vase liquefactum  
 paulatim adde.

## EMPLASTRUM ROBORANS.

℞. Emplastri communis ꝑ. libras duas,

Thu-

Thuris ꝑ. libram dimidiam,  
Sanguinis draconis ꝑ. uncias tres.

EMPLASTRO communi liquefacto addantur  
cætera in pulverem redacta.

## EMPLASTRUM e SAPONE.

℞. Emplastri communis ꝑ. libras tres,  
Saponis duri ꝑ. libram dimidiam.

EMPLASTRO communi liquefacto saponem  
admisce, ad emplastri crassitudinem coque, et  
diligenter cave, ne nimis frigescat, antequam  
in magdalidas formetur.

## EMPLASTRUM STOMACHICUM.

℞. Labdani mollis ꝑ. uncias tres,  
Thuris ꝑ. unciam unam,  
Cinnamomi,  
Olei expressi, macis dicti, singulorum ꝑ. un-  
ciam dimidiam,  
Olei menthæ essentialis ꝑ. drachmam unam.

THURI liquefacto adde primum labdanum  
calore emollitum, deinde oleum macis; postea  
cinnamomo cum oleo menthæ immisceantur, et  
in mortario tepido simul contundantur in massam  
vase bene clauso asservendam.

## EMPLASTRUM VESICATORIUM.

℞. Emplastri attrahentis ꝑ. libras duas,  
Cantharidum ꝑ. libram unam,  
Aceti M. libram dimidiam.

EMPLASTRO liquato, paulo antequam in-  
dureseat, insperge et immisce cantharides in pul-  
verem

verem subtilissimum redactas; deinde adde acetum, et bene subige.

## UNGUENTA, ET LINIMENTA.

### UNGUENTUM SIMPLEX.

*Rj.* Axungia<sup>e</sup> porcina<sup>e</sup> curata<sup>e</sup> p. libras duas,  
Aqua<sup>e</sup> rosarum m. uncias tres.

AXUNGIAM cum aqua rosarum contunde, donec bene miscueris; deinde lenissimo igne liquefac, et sepone aliquamdiu, ut aqua subsidat; postea effunde axungiam, aqua relicta, et movendo, contundendoque sine requie, dum frigeat, in levem et minime cohaerentem massam redige; denique adde essentia<sup>e</sup> limonum, quantum satis sit ad gratum odorem.

### UNGUENTUM ALBUM.

*Rj.* Olei olivarum m. libram unam,  
Cera<sup>e</sup> albæ p. uncias quatuor,  
Spermatis ceti p. uncias tres.

LENI igne liquefacta assidue acriterque moveantur, donec penitus refrixerint.

### UNGUENTUM ALBUM

camphoratum.

FIR addendo unguento albo camphoræ cum olei amygdalini aliquot guttis contrita<sup>e</sup> p. sesquidrachman.

UN-